





# Daifim

An Official Organ of YMA, Khuangpuilam Branch.

**YMA MOTTO**  


Hunawl hman that  
Zofate hmasawwna ngaihtuah  
Kristian nundan tha ngaihsan

**Khawchin : Source - Accuweather.com**  


Khua a that rin a ni.  
Temp - Max: 26°C Min: 17°C  
Dar 5:29-ah ni a chhuak ang a,  
Tlai Dar 4:36-ah a tla leh ang.

*Tunkar chang vawn : I Petera 2:11  
"Duh takte u, mikhuah leh khualzin  
in nih avangin, thlarau do thintu  
tisa chahnate bansan turin ka ngen  
a che u;"*

**TUALCHHUNG CHANCHIN**

☛ Pu Aldrin Lalrinfela (Rinfela) s/o Laldawngliana, Khuangchera Section chu ni 4/11/2021 (Zirtawpni) khan sugar hniam vangin albumin an khai a. A taksa lo chak zel theih nan i tawngtai pui theuh ang u.

☛ Ni 6/11/2021 (Inrinni) zing khan vanduai thlak takin Bike leh vai Truck AS-01FC-6191 Pu KC-a te in bulah an insua, Bike khalh tu leh a hnunga chuang Tv Lalnunmawia s/o Rammawii , Khuangchera section leh David-a s/o Pu Rinchhana, Vengthartechu Kolasib damdawi in ah phurh phei an nih hnu ah Lalnunmawia s/o Rammawii, Khuangchera section hi Aizawl lam pan pui a ni. An that chhuah leh ngei theih nan duhsakna kan hlan e.

**4C bungrua thiar chhuak**

Covid -19 hri leng tlema a zia deuh hnuah kan veng 4C pawh Pathian zara a ruah tak zel avang leh Sorkar thu chhuak anga School kal a nih dawn tak avangin ni 5/11/2021 (Zirtawp) zan khan 4C atana kan hman Govt. Diakkawn High School a bungrua hrang hrang la awm chu thiar chhuah hnatalng neih a ni.

4C tha taka leh tluang taka a kal theih nana khawtlang tana mi inphal, thil pek petu zawng zawng chung ah lawmthu kan sawi a. Tin, School hmunhma leh building phal taka min hman tir tu Pu GS Zaithantluanga, Head-master leh Staffs-te zawng zawng chunah kan lawm tak meuh meuh baw a ni.

sd/-  
Secretary  
VLTF  
Khuangpuilam

**THE MIZORAM (Village Councils) BILL, 2021  
DRAFTING COMMITTEE THUKHAWM**

**Khuangpuilam the 7<sup>th</sup> November, 2021** : Ni 3/11/2021 (Nilaini) khan The Mizoram (Village Councils) Bill, 2021 Drafting Committee chu an Chairman Pu Zothanmawia, LAD Secretary hovin SAD Conference Hall, MINECO-ah an thukhawm.

Mizorama Village Council inkaihhraina dan hman lai mek The Lushai Hills District (Village Councils) Act, 1953 hi a siamna a rei tawh avangin tunlai mila her rem leh siamthat tul tiin LAD Minister hova meeting chuan siamthat ni se tiin a lo rawt tawh a. He meeting thurel bawhzui hian Drafting Committee din zui a ni a. Village Council inkaihhraina dan hman meka siam danglam ngai te zirchiang a, paih tul nia lang te paih a, belh ngai te belh turin he Committee hi din a ni. Drafting Committee chuan The Mizoram (Village Councils) Bill, 2021 tia dan thar an duan chhin (draft) chu wawi tam tak a thlir tawh a. Vawiin meeting-ah hian a hmawrbawka an hnaih tawh thu Chairman Pu Zothanmawia chuan a sawi a ni.

Drafting Committee chuan The Mizoram (Village Councils) Bill, 2021 draft hi a buatsaih fel hnuah sawrkar pawmpui turin thehluh chhonzawm a ni dawn a. A tul angin Cabinet ah leh State Assembly ngaihtuah turin a kal chho dawn a ni.

**NI 01.11.2021 LEH 30.11.2021 INKARA KOLASIB DISTRICT CHHUNGA COVID-19 DONA KAL PUI DAN TUR INKHUAHKHIRHNA THUPEK**

Disaster Management & Rehabilitation Department Vide Order No.B.13021/101/2020- DMR/Vol-VI dated 29.10.2021-a tihchhuah zulzuiin, Kolasib District chhunga hman atan inkhuahkhirhna siam a ni a. He inkhuahkhirhna hi Kolasib District chhungah khauh taka kalpui tur a ni. He order hi Dt 01.11.2021 atanga 30.11.2021 chhunga hman tur a ni. (Hei hi State Sorkarin thuchhuah thar a siam a nih pawhin thu leh awm hma chuan hman chhonzawm zel tura ni.)

**A. INKHAIHHRUAINA TLANGPUI:**

1. Hemi hun chung hian loh theih loh thilah lo chuan pawm chhuah leh inlenpawh loh tur a ni. Pawn chuak turten mask tha takin an hman tur a ni a. CAB tha takin an zawm baw tur a ni.

2. Hemi hun chhunga inkaihhraina chu a hnuaia mi ang hian a ni ang. Activities Kalpui dan tur Zirna In High School leh Higher Secondary School chin school leh hostel hawn phal a ni. CAB tha taka zawm tur a ni ang.

Note: Tun hnaia Covid19 vei tamna khua heng- Kawnpui leh Lungdai khua-ah school hawn phal a la ni rih lo.

**Kohhran Inkhawm leh Inkhawmpui**

1. CAB khauh taka zawm chungin chhun leh zanah Biak In-a leng zat chanve (50% seating capacity) aia tam lovin Kohhran Inkhawm pangngai neih phal a ni.

2. Zing leh tlai tawngtai inkhawm phal a ni.

3. Kohhran Inkhawmpui neih phal a ni.

a) Inkhawmpui neihna hmunah Biak In-a leng zat chanve(50% seating capacity) chin tel phal a ni.

b) CAB khauh taka kenkawh leh zawm tur a ni. A thlengtu kohhran-in VLTF te phungbawm atan an sawm thei ang.

c) Inkhawmpuia hian natna benvawn nei leh kum upa hriselna chak tawh lote a theih chin chinah awl nise.

d) Ruai buatsaih loh tur a ni.

(Phek 2-naah zawm na)

**Editorial Board :**  
Represent: Nl Florence Zoremsangi  
Editor: Pu Lalsiamkima  
Jt. Editor : Pu Ricky MS Dawngzela  
Treasurer: Nl Thanghmingliani  
Cir.Manager : Pu. Samuel Lalpekhlua  
Contact No: 9612761781 / 9612691291  
9862501858 / 8575946381

**FLS Station - 9862094257/9862327112**  
**Chawngbawla Section**  
Leader : Tv R.Lalnuntluanga  
82599 60032  
Secretary : Pu Lalsiamkima  
9612691291  
**Vanapa Section**  
Leader : Pu Lalchuaailova  
87300 99599  
Secretary : Tv. Lallawmzuala  
87875 41803  
**Khuangchera Section**  
Leader : Pu Lalramzaua  
76408 95924  
Secretary : Tv Lalremruata  
7005131514

**Editorial.....**  
Tunhnai ah Covid-19 hripui leng mek chuan ziaawm lam apan hret hret a hriat a ni a, tunlai kan boruak angah chuan hmasawwna ropui tak ani ngei ang.  
India ram State hrang hrang hripui len nasat zualna hmun ah te pawh a kai an tlem tial tial a, he hripui avanga thihna pawh a tlahniam zel hian ram hruaitu te, Doctor rual, Mithiam te leh helam a thawk tute thawhrimna leh inpekna kan ti lo thei lovang, Mizoram ah pawh nitin hrikai zat a tlahniam zel a, thih phah pawh kan tlahniam sawt hle.  
Kan vengchhung ngei ah pawh hrikai kan tlahniam zel a, inenkawl na kan neih heng 4C, ah te pawh Pathianzarah enkawl ngai tun dinhmunah chuan kan awm rih lova a lawm awm hle a ni. Kan inenkawl na sum leh pai, tha leh zung sen na nasa tak a tlahniam ve zel a, a lawmawm tak zet zet a ni.  
Hetih lai hian mitin te fimkhur tak leh thuawih taka kan awm a, Sawrkar leh hotute thu ngaichang reng chungin fimkhur tak leh uluk taka kan nitin nun kan la hman chhunzawm reng a ngai a ni tih i theihnghilh lovang u.

**KEIMAHNI**  
Covid hripui leng avanga May thla atanga Daifim tih chhuah tawh loh chu vawiin atangin tihchhuah a lo ni leh ta a, kar tin tihchhuah leh tawh tum a ni e.

Branch YMA Office Bearer		
<b>President</b> Pu HD Daniela 9863212083	<b>Secretary</b> Pu Lalremsiama Varte 9862327112	<b>Treasurer</b> Pu David Lalrosanga 9436158962
<b>Vice President</b> Pu S. Lalthangliana 89748 30454	<b>Assistant Secretary</b> Nl. Florence Zoremsangi 9612761781	<b>Financial Secretary</b> Pu Samuel Vanlalremruata 9862094257

(Chhunzawmna)  
4. Inkhawmna-a zai chungchang chu Kohhran Committee theuh ten tul leh tha an tih angin an kalpui ang.  
Note: Kawnpui leh Lungdai-ah te chuan zan lam inkhawm leh inkhawmna hmuna zai phal a ni rih lo. A tul dan a zirin ngaihtuah that leh a ni ang.  
**Inneih Inkhawm, Mitthi vui leh Lungphun phal a ni.**  
A hmuna leng zat chanve (50% seating capacity) emaw mi 50 aia tam lo (a tlem zawk zawk) Birthday, anniversary lawm Punkhawmna tur veng VLTF te remtihna nei tan phal a ni. Punkhawmna hmuna leng zat chanve (50% seating capacity) emaw mi 50 aia tam lo (a tlem zawk zawk).  
**Public park, picnic spot hawn phal a ni** CAB tha taka zawm tur a ni. Tum khatah mi 50 aia tam punkhawm phal a ni lo. A huhova pawn chhuah (Lui kal, trekking, hiking, adventure sports adt. CAB uluk taka zawm chungin a huhova mi 20 aia tam lo chin phal a ni  
**Sports practice phal a ni**  
Indoor ah mi 20 aia tam lo. Outdoor ah mi 50 aia tam lo. Sports inelna tournament adt. (indoor leh outdoor) Entu awm lovin phal a ni. Inelna neihna hmunah a lengzat chanve(50% capacity) emaw mi 50 (outdoor) leh mi 20 (indoor) chin (a tlem zawk zawk) tum khatah infiammi leh a buatsaihtute punkhawm phal a ni  
**Gym hawn phal a ni**  
A hnuaia inkaihhruaina hi khauh takin an zawm tur a ni.  
a) CAB tha taka zawm tur a ni.  
b) Gym equipment-te hi midangin an hman dawn apiangin an sanitize zel tur a ni.  
c) Tum khatah a hmuna leng zat chanve(50% capacity) chin phal a ni.  
d) Towel, bottle, shaker leh mamawh thil dangte mahni a inken tur a ni.  
Zing leh tlai walking leh cycling exercise phal a ni  
Huan, lo, sangha dil, ran vulh adt. phal a ni.  
Bungraw load leh unload phal a ni tha taka CAB zawm a nih theih nan an VLTF-ten ruahhmanna an siam ang.

(Column lehlam chhunzawmna)

**CYMA hmalakna**  
**CENTRAL YMA CHETVELNA**  
**1.11.2021 :** DC Conference Hall-ah Publication of Draft Electoral Rolls, 2022 programme hman a ni a, Prof. Malsawmliana, Asst. Secretary a tel.  
**1.11.2021 :** Secretary, MBOCWVB Pisa-ah Meeting neih a ni a, Pu Joseph Vanlalhruaia Sailo, CEC a tel. MBOCWVB hnuaia member inziak lutte Inspection neih dan tur an sawiho.  
**1.11.2021 :** Mizoram Assembly House Conference Hall-ah Mizoram Chief Information Commissioner atan Pu Lalnunmawia Chuaungo IAS (Rtd) chu Chief Miniter, Mizoram inawmna thu tiam tirin a la lut a, Pu Vanlalruata President a tel.  
**2.11.2021 :** Secretariat Conference Hall-ah Sub-Committee on Quality Control of Cement & Iron Rod meeting neih a ni a, Pu H.F. Lalrinpuia CEC a tel.  
3.11.2021 : Synod Committee Room No. 1-ah MPF Governing Board an meeting-a, Prof. Malsawmliana, Asst. Secretary a tel.  
**4.11.2021 :** Vaivakawn YMA Golden Jubilee kharna neih a ni a, Central YMA atangin Tv. Lalmachhuna, Vice President, Prof. Lalnunluanga, General Secretray, Prof. Malsawmliana, Assistant Secretary, Pu Roneithanga, Finance Secretary, Pu R.S. Lalrinsanga CEC, Pu Joseph Lalnunmawia CEC, Pu Lalchhuanmawia CEC, Pu H.C. Zonunthara CEC ten an hmanpui.  
Dawr hawn phal a ni.  
Carpentry, steel fabrication, Changur, Puanthui, Lumet & beauty parlour, puantah dawr hawn phal a ni.  
Damdawi dawr leh thlai chi zawrhna dawr hawn phal a ni Thlai leh chawhmeh bazar Nitin bithliah awm lovin hawn theih a ni.  
Dawr (stall/hawker tiamin) inhnaihchilh lutukte chu an VLTF ten inhawn chhawk dan tur ruahhmanna an siam thei ang.  
Restaurant Hawn phal a ni.  
A hmuna leng zat chanve (50% seating capacity) chin chauh tum khatah phal a ni.  
In sakna hmanrua hrang hrang-cement/balu/iron rod/hardware/rawng/ electric dawr.. hawn phal a ni  
Hmasawwna hnathawh phal a ni, Sorkar office Office kal dan pangngai

(Chhunzawm tur)



**Thu ziaak Huang** - Dr. J.T. Vanlalngheta

**IAS nih tum te tan - A then a zar**

(Chhunzawmna) English (qualifying) pawh hi matric levela ngaih ni mah se, ngaih thah loh a tha. He *paper*-a i tlin loh chuan *subject* dang kha *exam* tuan thak mah la, i *paper* dangho chu an en lo tawp mai ang.

**Interview :** Kan hriat tlangpui angin, *interview* hi tan bik nei lo mi thiam awm khawmna (*board*)-in a neihpui thin. *Candidate* thluak (*mental calibre*) that leh that loh/ rilru kalphung hriat tumna tiin sawi ta ila a ni mai awm e. A hnathawh tur (*Public Service*)-in a mamawh tur ang kha a neih leh neih loh, a neih that leh that loh te hriat tum a ni. Tin, mi dang te nena inlaichinna lam te, thil thleng thar (*current affairs*) lama hriat dan te zawh a ni bawk. Tin, *leadership* leh thil thlir dan (*balance of judgement*) a neih leh neih loh te, mahni chanchin, *state* leh ram pawn leh India ram pawn chanchin, thil hmuh chhuah thar (*new discover*) hriat te a pawimawh bawk. *Candidate* thil hriat thuk lam finfiah chu a tum a ni vak lo, a chhan chu a heti lam hi *written exam*-ah fiah a nih tawh vang a ni. A tawi zawnga sawi chuan awmze nei taka inbiakna (*purposive conversation*) lam hawia khalh a ni ber.

Dan naranin kum tin he hna ruak zat hi a danglam thin a. Hna ruak zat let 11/12 vel hi *Prelim exam* atang in *written exam* thei tura thlan an ni. Tin, *written exam* atang hian hna ruak zat let 2 chu *interview* tura thlan an ni leh thin. *Policy* awm lai angin *SC/ ST/OBC* tan hna hauhsak bik (*reserved*) a ni bawk.

Kum 2014 – 2015-ah nuai 9.45-in *Prelim exam* dilna an theh lut a. Hemi zinga nuai 4.51-in *exam* an bei a. Heta tang hian mi 16933 chu an tling a. Tling zat atanga 16286-in *Mains exam* an bei leh a, 3308 an tling a. Hemi zat bawk hian *interview* hmachhawmin, *interview* zat atang hian 1236-te chu hna pek an ni ta a ni.

*UPSC Civil Service exam* tumte chuan hna an thawk hma/ an inbuatsaih hma tur a ni. *Degree result* la nei lo, *result* nghak lai te, *MBBS* te tan pawh *internship* tih lai pawhin *Prelim* hi *exam* ni se, a hun (*Prelim exam* zawh) a theh luh tur *degree certificate* a awm phawt chuan *Prelim exam* hi phalsak an ni si a. Chubakah *scheme* thar a nih avangin *General Studies* leh *Optional Paper*-te pawh *syllabus/topic* thar a tam avangin *I.A.S.*, adt. *exam* tui tam ber te chuan helama tawn hriat nei tam bik lovin he *exam* hi beih an tum a. Ni dangah pawh a hun zel tho rualin tun hi a beih hun lai tak chu a ni lehzual. Mizo nula leh tlangvalte pawh, tun hma a mipui tam lama chhuta tling tam thina hriat hlawh kan nih kha hre rengin in bei leh tak tak ang u khai. Ram leh hnam humhalhna chi khat a nih bawk avangin Mizo thalaite *All India Service* leh *Central Service*-a kan tlin tam theih nan duhsakna ka hlan e.

**Thufingte**

- \* I hlim ngei ngeina tur chu mi tu emaw i tih hlim hian a ni.
- \* I bula mi rel thin chuan nang pawh a rel ve ang che.  
– Algerian Thufing.
- \* I thilphal dawn chuan i dik hmasa tur a ni.
- \* I taksa hi ngaitthla rawh, kawng hrang hrangin thu a sawi reng a ni – taksa na chi hrang hrang atangte leh pianpuia thil awmze hriatthiamna mai atangtein.
- \* I hlawhtlinna aiin eng ang mi nge i nih chhoh zel tih hi a pawimawh zawk a ni.
- \* I thusawi tur chu i ngawih aia tha ni rawh se; a nih dawn loh chuan ngawih chuh zawk rawh. – Dipnysus.
- \* I aia tha zawkte bulah ngampa lutuk suh.
- \* I tum chuan i thei mai thei; i tum loh chuan i thei hauh lovang.
- \* I thil tum hlawhchham tirtu che kha haw suh, mi dang ni lovin nangmah i ni miao va.
- \* I chet fuh loh nite chhinchhiah rawh, chu aia darthlalang tha i nei lo a nia.
- \* Insum theih hi engmahin a haw lo ve. – Lalkherha.
- \* Itsika awm chu khawngaiha awm ai chuan a tha zawk.

**Ram leh hnam hmangaih hi han sawi mai aia ngaitthuah thui leh chhui zau ngai a ni.**

**Naupang Huang** - C. Lalnunchanga

**Taitesena** (Chhunzawmna)

Mi pathum sakei hliam hmaa tlu phung a hmuh chuan Taitesena chu a thinrim hle mai a, “Thiante inhliam a, engati nge ka inhliam ve loh? Pawnfen feng tlak ka nih hi,” a ti a, a tlan thla nghal a. Mahse, valupate chuan, “Kha, a insehtir ve dawn, mihring kan rethei lutuk e, lo man bet rawh u,” an ti a. Mahse, an inrin loh laiin Taitesena chu sakei awmna pikah chuan a zuang lut ve ta a. Kar khan sakei chu a kawngah a kap fuh a, a ruh a khawih avangin a che tha hlei thei lo va. Taitesena chuan keipui hliam thinrim chu a kawlnamin a han chhoh sah a. Sakei chuan a lo zuan thlu tawp a, a seh ve ta a ni.

Mipui chuan an zim hnai tuau tuau va. Inral palh a hlauhawm avangin silai hmeh puah ngam a ni tawh lo va. Lung leh thing bungin an deng noh noh va. A thenin mau fei an zum a, an khawh fur fur mai bawk a. Sakei chu a huk dum dum a, mipuiin rawl nen haw hawin an chim bawk a. Sakei chu hual chhungah chuan tlanna lam tur bik hre lovin a vir kual ruai a, feiin an chhun thuar thuar a. Sakei chu a chau ta hle a. Chawngruma chuan, “A lu ka chiang e,” a ti a, puanin a va khuh a. Mipui thinrim chuan a chinin an ching hlum ta thak a ni.

Mi huaisen pali chu tu mah thi an awm lo va, mahse an hliam chu a na hle a. A thenin hliam an lo buaipui a, a thenin sakei zawnna tur an lo ngaitthuah a. Dozika hrawka fei chu an phawi thei lo va, “Ka lu kha tlawh chhan ula, phawi rawh u,” a ti a. A chalah an tlawh chhan a, an pawt vak a, an phawi thei hram a. Chutia an insingsak buai lai chuan Taitebela pa chul pawla an kar kam kha a rawn puak ve leh ta dur mai a. “E khai aw, mikhual an lo kal a ni ang, sut nachang kan lo hre lo a ni,” an ti a. Tlangval an tlan thuai a, a hmun an thlen chuan an khaw tlangval Kila a lo kap hlum der a.

Kila hi phungzawla tlu thin a ni. Khatia mipui nawlpui an tlan chhuah rual khan ani pawh a tel ve a. Mahse, kawnga an tlan laiin a phungzawl a chhuak a, luhaiin a tlu a. Mipui chuan a tlu tih hre lovin an tlan liamsan a. A lo harh leh chuan mipui tlan lohna lam, kawtchhuah leh lamah a tlan a, kar chu a va dai per palh ta a lo ni a. In lamah chuan lal leh upa te, nunau leh tarte chuan chanchin ngaichangin an ring an lo fan an lo fan a. Sar thli a thaw vuk vuk mai a.

Nakinah chuan zualko a lo lang a, “Zingkela, Taitesena, Vungtawna leh Dozika te sakeiin a seh,” tih an rawn sawi a. Khaw chhung chu a buai nuai nuai a, a then an tap a, naupangte chu an phi ruai a. Taitesena leh Dozika chu kea han kal rual an ni lo va, an duh lo chung an zawn lui a. Vungtawna leh Zingkela erawh chu zawn lovin an kuah a, anmahniin an kal a. Vungtawna chu a u, an lalnuin a lo hmuak a, “E khai Tawna, a na teh e maw!” tiin a lo tah a. Ani chuan, “Keini chu na lo ve. A na meuh chu kan hnungah khuan an rawn zawn alawm,” a ti a. (Chhunzawm zel tur)

**Dan leh Hrai**

**Mipui inhawrkhawm ten an kuta dan an kenkawh ðhinna tibo tura Supreme Court thupek**

- Dr. H.T.C. Lalrinchhana  
Zamzik Siang, Bethel Veng,  
Zemabawk, Aizawl

- A. A invenna lama ðul te (*Preventive measures*)
- viii) DGP chuan *District SP* tinte hnenah hriattirna siamin '*Police patrolling*' ten abik takin mipui tawrawtna (*Lynching/mob-violence*) che an vil ulukna tur atan te, DGP pisa aþanga '*Intelligence*' hnathawkte thuhriat ruk enthlithlaina atan te, mipui ten an kutah dan kengkawh ve ngawt lova, dan huangchhungah zel hma an lak theihna atana ðul tur angin kaihruraina thupek hi a siam ang.
- ix) Sawrkar laipui leh *state* sawrkar tinte hian *Radio*-ah te, *TV* ah te leh thuthar thehdarhna hmanraw dangah te mipui tawrawtna (*Lynching/mob-violence*) hi dan phalloh a niin, sawrkarin hetiang tibo tur hian khauh takin dan a kenkawh reng tur thu te a puang zar ang.
- x) Sawrkar laipui leh *state* sawrkar tinte hian *social media* hrang hrang ah hetiang anga mipui tawrawtna (*Lynching/mob-violence*) lam pawchhuak thei thuthang awm reng reng a khap bet in a khuahkhirh ðha tawk tur a ni.
- xi) Mipui tawrawtna (*Lynching/mob-violence*) lam pawchhuak thei thuthang awm reng reng te hi *Police*-te hian *section 153 Cr PC* angin *FIR* an ziaklut emaw, ramchhung dan dang ang pawhin khauh takin pawikhawihtu thubuai siamsak tur a ni.
- xii) Sawrkar laipui hian *state* sawrkar te hnenah thupek/rawtna ðul ang ang hetiang thil ðha lo thleng thei pumpelhna tur leh a nghawng paw theihzia lamah a pe ðhin ang.
- B. Hmachhawanna tur (*Remedial measures*)**
- i) A chungah khian a invenna lam tur tarlan ani tawh tak nain, mipui tawrawtna (*Lynching/mob-violence*) a lo thleng palh a nih chuan *Police*-te hian rang takin *FIR* ziaklutin *IPC* hnuaiah emaw, ramchhung dan dang ang pawhin thubuai an siam zung zung ang.
- ii) *Police Station* tina *Officer in charge* te hian hetiang thubuai an dawn hi '*Nodal Officer*' hnenah an hrih hre vat anga, a tuartu leh an chhungkuain vauþhahna leh phuba lakna an tuar theih laka an himna turin hma an la baw ang.
- iii) Hetiang thubuai hi dawn leh ziahluh anihin *Nodal Officer* chuan hnuchhuina (*Investigation*) chu a vil zui anga, danin a tuk angin a hun takah '*charge sheet*' an thehlut in dan bawchhetute pawh a hun takah an man ngei ngei tur a ni.
- iv) *State* sawrkar te hian *section 357 Cr PC*-in a tarlan angin hetiang pawikhawihna alo thlen hian zangnadawmna ðul ang hi he thupek siam aþanga thla khat chhungin a pe ngei anga, thubuai inchiah mek ami te pawh a huam ang. Hliam nat dan, rilru hrehawmna, eizawmna in a tawrh dan te, zirna a nghawng dan te leh kawng danga hloh an neih dan, damdawi man leh *court* kal senso zawng zawngte chhut telin a ðul a nih chuan rang takin '*Interim relief*' pawh a tuartu emaw mitthi annih chuan an chhungte hnenah pawikhawihna thlen aþanga chhiara ni 30 chhungin an pe ngei ang.
- v) Mipui tawrawtna (*Lynching/mob-violence*) thubuai reltu tur hian *District* tinah *court* ruat bik emaw *Fast Track Court* emaw din tur a ni a, thubuai hi *court*-in rorel a ðan aþanga chhiara thla 6 chhunga rel hmel hman tum tur a ni. *District Judge* chuan a hun taka thubuai rel fel a nih ngei theihna atan a vil zui anga, *state* sawrkar leh *Nodal officer*-te pawh in *court*-a sawrkar thubuai sawitu (*Prosecuting agency*) ten he thupek hi an kenkawh ðhat leh ðhat loh pawh an ngaihven ang.
- vi) Hetiang pawikhawihna athlen nawn fo tawh lohna turin thubuai reltu *court* chuan thiamloh a chantir te chu *IPC* hnuaia hremna tarlanah hremna pek theih sang ber a pe ðhin tur a ni. (*Chhunzawm tur*)

**Hriselna Huang**

**Rilru hrisel nana kan tih tur** - Dr C. Lalhrekima

7) Lawmna tur zawng rawh : (*Chhunzawmna*)

Thil lawmawm i tawnte ngaihtuah tam la. Mi sualna te, thil dik lo te, lungngaihna lam te aiin mi ðhatna te, thil ðha te, lawmna tur lam ngaihtuah hi '*practice*' la, zir theih a ni. Hawi vel la, lawmna tur a tam lutuk. Lawm lohna tur ringawt ngaihtuah hi a awl viau. Ngaihtuahna chhe zawk a lo luh veleh ngaihtuah dan ðha zawk a awm em tiin thlir dan dang zawn tur a ni. Thil thlir zau rawh. A hrehawm leh nuam lo ngawt thlir chuan nun hi a hahthlak. 'Min tihlumtu a nih loh chuan min tichaktu a ni,' tih thufing pakhat a awm. Harsatna te, buaina te kan tawh hian, kan thihpui a nih si loh chuan nakin zela min tichaktu a lo ni ngei ðhin.

8) ðhian kawm rawh :

Ina tawm reng a, mahni pindan aþanga tihfel mai theih hia tam khawp. Tunlai pheichuan bazarkal ngai loin *online*-in thil tam tak a chah theih a, mahni *bedroom* aþangin nula a rim theih ta. Mahse, rilru hrisel tur chuan a taka mi bula awma, titi a, nuihho te a ðha. *Computer* leh *phone* ringawta ðhian kawm loin, hmaichhanah ðhian kawm ang che.

9) Titi ve rawh :

Chhungkaw chaw ei laite'n ðawng ve la, nuihzate siam ve la, nui ve bawk bawk la. Chaw ei khamah chhungte bulahte ðhu ve-in I thil tawnte sawi ve siam siam rawh. I harsatnate mi dang hrih hreh lo la. In titi dun avanga thil ðha zawk chhuak hlui tur a awm loh pawhin rilru insawi thawl ve hrim hrim hian min chhawk thei.

10) Engkim i ti thei lo tih pawm teh :

I tih theih piah lam tih hram tum suh. I tlin bak thawk kher suh. Engkim hi kan chingfel vek thei lo. Kan theih loh na na na vei tlatte hi a sawt lo. Lungkham nei lo tura Isua zirtirte kan ni. Tunge lungkham avanga mahni dung lam tawng khata tisei thei awm?

11) Ngaidam rawh :

Khawvel famkim lova cheng kan nih miao avangin tihsual chang a awm thei. Mi dang ngaihdam hi zir la, mi kan ngaidam hian kan dam! Kan ngaihdamte an dam! Pathianin min ngaidam baw!

12) Fiamthute thawh ve teh :

Tak ngul reng mai, muk run reng hi a hahthlak. Pumpui na a chhuak duh! Fiamthu ve la, uang ve la, hoh nite pawh nei ve teh. Mi fiamthuahte nui ve la. Inti engemaw taka fiamthu engemaw deuh hlek haw zel, nui ðha duh lo, *whatsapp* velah pawh mi dang khap tum hramte hi rilru te zia a ni. Fiamthu ðha lo sawi ve rawh tihna erawh a ni lo. I rilru zau ve rawh se tihna mai a ni e.

13) ðanpuina zawng hreh suh :

Kan ram dinhmun leh kan rilru puthmang tlangpui han thlir hian hmasawmna tur kan nei. Rilru lamah harsatna kan nei a nih chuan ðanpuina kan zawng hreh tur a ni lo. ðanpuina mamawh lo mihring kan awm lo a, ðanpuina dik hian min chhanchhuak thei si. Khawvela mi thiam kan tihte hnena kan kal duh lo a nih pawhin rilru lam daktaw ropui ber, mi dang hriat hauh lova tupaw'n kan pan theih *Psychiatrist* ropui ber Lal Isua a awm. Kan manganna leh lungngaihna zawng zawng a hnen thlen turin min sawm a ni.

\* *Thilmak ka hmu lo i tih chuan ka chhanna chu, "Engvanginng ringtute tiduhdahtu mifingte leh thil ti thei ho kristianah an in leh vek? Kha kha thil mak chu ani - Thomas Aquinas.*

\* *Pathian hi hmun dangah zawng suh, i thinlung kha a hmai hma ngeia pathian i tawhna hmun tur a ni e - Angelus Siesius.*